

Mercoledì, 12 Gennaio 2022

Traduzione in ladino

Sotscrita l'ordinanza. Chesta la regoles per chi che à più che 12 egn

En lunesc ai 10 de jené l' president de la Provincia autonoma de Trent Maurizio Fugatti, l' à sotscrit l' ordinanza en cont del trasport public local e la zertificazions covid. N provediment che ge va do a chel che l' é stat anunzià en sabeda e che vegn metù dant do che l' minister de la sanità à sotscrit l' ordinanza che dèsc l' met, enschin ai 10 de firé, de durèr i mesi de trasport public per rejons de sanità che se pel zertèr e per jir a scola da man di bec dai 12 egn en sù, con mèscra de protezion Ffp2 e zertificazion verda scempia.

“Zacan l' Goern l' à dat na responeta a la sacotanta domanes che tant Trent che Busan aea portà dant en cont di trasporc de scola”, l' à dit l' president de la Provincia Maurizio Fugatti. “La comunicazion ministerièla l' à deschiari che la situazion per l' trasport de scola no mudarà enschin ai 10 de firé, la regoles resta cheles jà en esser dant de Nadèl. I studenc i podarà se emprevaler de la corieres de scola, aboncont ge vel – l' disc avisa l' president – che dant dai 16 de jené i abie la prenotazion per se fèr l' vazin anticovid, enveze dai 10 de firé inant i cognarà se vazinèr”.

Intervista al president Fugatti: <https://youtu.be/QR0yavBMEvk>

Chiò enjontà l' ordinanza del president Fugatti.

Traduzion di Servijes Linguistics e Culturèi del Comun general de Fascia
(Traduzione a cura dei Servizi Linguistici e culturali del Comun general de Fascia)